



序

林深烟密魂消叔夏秋鶯花暝柳昏神動那
鄉春燕劉後村之芍藥徧地吹香章質夫之楊花漫天
飛雪枝頭紅杏鬧春意于尚書雨裏黃梅留芳名于別
駕以暨蚤吟白石絲竹三更蛙賦青田鼓吹兩部從來填詞匪易
兼之詠物尤難錦爛七襄須是天孫機杼石成五色除
非媧后丹爐繡崔尉之鴛鴦金針孰度搗滕王之蛺蝶
銀管誰抽此幼婦色絲每難逢于偷聲減字而美人香
草不多見于換羽移宮也王子畹仙技擅棘猴家傳蠟
鳳踞風騷之座早愛彈箏泛孝廉之船幼曾夢筆跡其

抒十分之艷想製萬首之香詞固已曲比少游歌姬聞
而願嫁調追邦彥樂府因以加官者矣乃者時值消寒
遂爾詞耽肖物另成一冊彙有多篇觸緒牽情信屬文
人慧業逢場作戲何慚名士風流旣離迹以取神復借
端而托興曹子桓絃飛霹靂大都手柔弓燥之餘郭公
明舌吐烟雲多半耳熱酒酣之後賦小言於宋子譜入
宮商隱謎語於臧孫聲敲金石描成柳絮教謝女而都
迷繪就荔支惹楊妃而欲笑霓裳月底引出長謠羅襪
花陰排來小令把金尊而吟芳草情深紫陌王孫按檀
板以唱垂楊愁殺紅樓少婦嗟乎其工若此分半闋亦

足驚人我勞何如問一生誰能多作而乃嘔肝鏤骨處
處玲瓏洗髓伐毛篇篇旖旎聚東壁西園之圖書翰墨
無端幻出千般合南唐北宋之繡口錦心忽然竟成一
體倘比賦中之鸚鵡應誇衆美于禰衡若較詩裏之鷓
鴒翻笑專名于鄭谷矣

肯

康熙壬午仲春上浣新安年家眷同學弟汪灝紫滄頓
首拜題



歲寒詠物詞自序

十年射策仍下春官廿載浪遊空悲夏屋尋酒人於燕
市老矣漸離思仙客於漢廷饑來曼倩連天風雪低迷
十丈塵中極目鄉山迢遞三千里外衾寒似鐵羈夢淒
涼樓小於拳藏愁偏側何以卒歲托逸興於新詞偶爾
消寒寄閒情於詠物時則雙扉長鍵一卷自娛玳管拈
來呵硯冰而欲滴苔牋劈處分墨瀋之餘香借棘猴楮
葉以寫生大都耳熱酒酣之後托鏤雪雕冰爲活計半
在漏殘燈炮之時茶竈筆床俱成勝具銀箏檀板盡屬
寓言小令長謠快深情於一往偷聲減字置工拙於兩

忘時計三旬詞成二百嗟乎臣之壯也尚爲搖落之人
 歲方暮兮徒唱思歸之引玉河楊柳凝朔氣以猶枯煖
 室梅花孕暗香而欲綻笑驚烏於樹底漂泊誰依指凍
 雀於山頭端居不樂長貧至此無聊已是十分失意如
 斯不律猶工三寸蠶應有恨抽來獨繭之絲蜂亦憐香
 釀就百花之蜜得句而添毫欲活遜他鄭氏鷓鴣肖形
 而觸腕皆靈羨殺謝家蝴蝶晏同叔桃花擅譽非所望
 焉賀方回梅子得名予滋愧矣庚辰除夕前一日梁谿
 王一元題於燕臺客舍



歲寒詠物詞目錄

沁園春

料絲燈

睡燕

賀新郎

貓
杜鵑花

門神

睡鞋

滿庭芳

繡毬花

荷葉

鵲踏花翻

走馬燈

賀新郎

榆錢
蟬琴

柳眼
螢火

燈花
柳絮

賣花聲

鴛鴦梅

沁園春

美人臂
美人目

美人足

美人口

水龍吟

梨花
荷包牡丹

蛩

漁簑

念奴嬌

白燕
楊妃山茶

新燕

歸燕

浣溪沙

石榴
美人足

口琴

骰子

賀新郎

不倒翁
水

泥美人

蘭虎

燭影搖紅

竹夫人

茉莉

踏莎行

涼簾

雪珠

沁園春

淚

草

蟹

念奴嬌

綠牡丹
馬櫻花

茶蘼

橋

洞仙歌

掃晴娘

黃石榴花

芭蕉

鵲橋仙

鷓鴣

鷺

木蘭花慢

玉簪花

沁園春

梅魂
白櫻桃

黃茶蘼
荔支

雁字

虞美人

蝴蝶花

賀新郎

睡鸚鵡

琵琶

虞美人花

風鳶作美人形

蝶戀花

鐵馬

眼兒媚

香茶

滿庭芳

炙硯

菱鞋盃

白鸚鵡

春光好

陀羅子

河傳

淚

念奴嬌

熏籠
紅白裙鳥

紙帳

蠹魚

南鄉子

硯冰

戎裝美人燈

沁園春

裙

百花釀酒

鳳凰臺上憶吹簫

涼枕

蜂

賀新郎

梅影

采桑子

手鼓
月下美人
舟中美人

簾內美人
花下美人
燈下美人

鏡中美人
馬上美人
樓上美人

歲寒詠物詞

梁谿王一元晚仙著



同學 汪灝紫滄 評
弟 賚傳巖

沁園春 料絲燈

一。片。空。明。似。密。似。疎。縱。之。橫。之。訝。蘭。膏。乍。試。凝。成。恨。縷。
銀。缸。重。剪。映。出。情。絲。異。彩。千。條。光。芒。四。射。琢。玉。鏤。冰。未。
是。奇。玲。瓏。甚。愛。廣。寒。宮。裏。織。就。清。輝。相。看。莫。認。琉。璃。
會。否。上。天。孫。雲。錦。機。笑。鮫。人。綃。斷。痕。偏。重。疊。媧。皇。石。補。
迹。尚。參。差。花。鳥。如。生。山。川。競。秀。隱。隱。冰。紋。欲。裂。時。斜。鋪。

王晚仙歲寒詠物詞

芙蓉舫

就似水晶簾影問是耶非

天巧極人工錯矣支機女更于何處生活此詞纔是料絲他人只做得燈耳

又 睡燕

營得新巢啣泥乍閒午風正微為春光淡宕也如人倦
餘寒料峭懶逐鵲啼學得鴛鴦迷他蝴蝶交頸雕梁暫
息機酣眠好正織塵不動穩稱雙棲夢中猶自交飛
怪海國冥冥頃刻歸更烏衣巷口舊遊恍惚昭陽殿裏
往事依稀掠水還驚蹴花終幻可似邯鄲去路迷簾櫳
畔被鸚哥喚醒怨殺斜暉

前半鈎剔入微換頭以下幾于亂墜天花矣君乃為烏衣國換尋夢記耶

賀新郎 貓

猛氣雄於虎閃雙瞳晶光不定平分子午種色爛斑堪
入畫愛把芳名自呼叶去聲慣伴着佳人繡譜簾影搖搖
風微動傷晝長撲蝶花深處羅帳側任偎護錦窩難
鎖春心住共招尋鴛鴦瓦上似歡似忤惱亂宵眠頻跳
擲顛倒嚇人腐鼠問陰鷲何如義府莫戲撼他輕紅架
畫屏前怕殺紅鸚鵡喚小婢來答汝

有景有情聲色俱備賦物神品

又 門神

跂足雙扉上笑輕薄剛剛一紙居然官樣點綴新年光

景好衮衮將軍丞相竟處處充填門巷偏是依人簷下
者偉衣冠博得人爭賞幾忘却猙獰狀銅鑲夜闔虛
堂敞漫說是高明鬼瞰伊堪憑仗誰識渠儂真面目也
只抑揄伎倆好屏當花袍弓韞幾度風欺兼雨蝕看伊
家可得常無恙恣一噓莫惆悵

將軍自昔名當戶丞相於今亦抱關此唐實君
銓部警句也詞則盡態極妍固當更上一層矣

又睡鞋

欲試凌波步偏只向迷香軟玉溫柔鄉去緊襯雙趺弓
樣窄生小合歡成侶正簾外梨花月午簫局罷熏粧已
卸愛知心侍女偷携處避燈影換金縷怕郎故故回

眸覷逞嬌羞幾番笑掩翻教微露捫向被池紅酥嫩依
約暗香私度消受得温存如許欵捻輕偎須着意愛盈
盈漸到銷魂路跟欲褪倩兜取

一字一消魂漢帝所
以願老溫柔鄉也
又杜鵑花

春色畱難住看爛斑猩紅千點泣殘香露梨夢桃粧都
過了又被一番催去問望帝芳魂何處化鳥可憐啼不
盡向花神訴出思歸苦血欲染珊瑚樹朝來淚掩濛
濛雨更淒涼向南枝上宵闌月午紅雪莫教輕凋謝好
倩錦屏深護怕觸起傷心如許脈脈春前多少恨遍青

王曉仙歲寒詠物詞

三

芙蓉舫

山盡是蠶叢路。誰下拜。憶臣甫。

滿庭芳 繡毬花

梨夢方酣。丁香欲褪。闌珊春意將休。一番花信。打疊在。瓊樓。搓起叢叢晴雪。東風裏。軟貼輕揉。分明是成團蝴蝶。曉夢穩。枝頭香毬。誰剪取。渾疑玉琢。錯認水鏤。愛玲瓏。圓影霧密烟稠。好與三郎醉後。相看處。明月長留。
張銘盤詩風來似欲擬。還應記蕃釐舊種。重結一春愁。明月好與三郎醉後看。

復人。玉宇瓊樓非。又荷葉。

貼水如錢。出波斜捲。亭亭仙掌爭芳。碧筒擎處。新綠遍。

橫塘高下。田田無數。牽不盡水佩風裳。休相折。綠陰千頃。畱蓋鴛鴦。鳴榔館。娃人到任。雙漿平分。搖漾中央。愛乍圓乍碎。珠露凝光。莫道藕花未。蕊先嬴得。撲帽清香。新秋近。仗他翠蓋深護。紅粧。

鵲踏花翻 走馬燈

影逐輪迴。光疑月滿。蘭膏透出春風。鱗怪他入陣縱橫。不動梁塵。分明提起沙場話。短兵相接。更無聲。團團馳驟。何曾罷。休訝一任橫戈。躍馬指揮。畢竟憑殘炮。閱盡紙上孫吳。空中楚漢。幻出王和霸。莫愁苦戰未休兵。明朝便過元宵也。

賀新郎 榆錢

誰把春光買遍枝頭從教拋撒恁般慷慨在費東君鎔
鑄苦剛被棟花風大竟散落檻邊窓外綰盡柳絲穿不
得笑銅山何事移窮塞翻添却風流債紛紛擲地渾
無賴想此際苔荒荷小料應難賽怪殺簌來堂下處一
任踏青人躡空賒得春愁如海不識上清童子意五銖
衣何事輕揉壞會否博和公愛

又 柳眼

盼斷章臺路會記得鶯黃初褪舊窺人處欲淚非關春
惹恨何事含顰如許正彷彿傳家阿堵最是舞餘眠乍

起瘦腰肢倚倦朦朧顧嬌羞殺黯無語和烟和雨還
偷覷都只為短長亭畔別離心緒萬縷千絲畱不住看
盡行人來去想此際凝眸最苦莫更陌頭頻悵望怕多
情撩得東風妬滿目起漫天絮

確是柳眼一字移易不得
又燈花

不入羣芳譜伴黃昏憑渠剪却依然重吐無影無香偏
艷艷單任一篝紅霧會否賴金鈴低護羯鼓漫勞相催
發欲催時只倩譙樓鼓深幃畔笑私語開殘只在烟
籠處報閨人天涯消息從教占取寄語粉蛾休相撲錯

王曉仙歲寒詠物詞

怨蝶猜蜂妬枉摧殺五更風雨應是筆尖生已遍向寒
檠現出文心苦燼欲落香山舞

雋思名句
觸緒紛來

又 蟬琴

雙翼憑誰鼓。正朝來清風欲動。清微悽楚。抱葉孤踪偏
解愠。吸盡泠泠微露。任彈徹斜陽疎樹。誰道廣陵今已
絕。聽聲聲齊女冰絃苦。好補入焦桐譜。一番餘韻休
辜負。恰趁著嫩涼天氣。移宮換羽。流水高山應共賞。蚓
笛淒涼和汝。更幾度悠揚如縷。莫訝曲終人不見。遍高
枝遺蛻無尋處。操未畢竟仙去。

字字精警讀至莫道曲終二

語真令人有仙乎之嘆矣

又 螢火

點破空庭暝。看熒熒乍高乍下。悠揚不定。草際浮生原
是寄。偏帶空明心性。漫熠燿花堦苔徑。最是露涼風細
處。一星星撩亂梧桐井。疑暫斂。終相映。疎簾小幔黃
昏靜。惹佳人輕羅扇子。撲來嬌倩。幾度半明還半滅。照
盡夜香佳景。遮莫賽蟾光鳳脰。隋苑只今秋寂寞。剩餘
輝好伴書齋冷。有數點寒光凝。

又 柳絮

情思撩人苦。看漫漫欲低還起。顛狂如許。一望長堤香

雪亂點點催將春暮。恁飄颺非花非霧。蝶翅蜂鬚扶不
定。竟依稀倩女離魂處。愁絕也。誰爲主。憑渠墜下長
條。去待化作浮萍。猶未滿離亭路。入幕縈簾。渾是夢恍
惚。都無憑據。縮不了情絲恨。縷繞遍天涯。芳意倦到頭
來。畢竟沾泥住。莫更被東風悞。

又 燭淚

簾隙微風度。便觸起尊前舊恨。滛滛偷注。莫問刻來詩
成未。盛遍玉壺難貯。似掩面背人情緒。最是空閨清夜
永。只泫然相對。都無語。闌干畔。休彈去。短檠忽帶梨
花雨。誰更識鮫珠鳳脰。一般愁處。好倩畫屏常偎護。點

點血痕凝住。重拭眼。照他歌舞底事。寸心灰不盡。向寒
宵獨把相思鑄。悽絕也。義山句。

又 鞋盃

彷彿餘香度。笑盈盈碧筒未吸。先移蓮步。愛殺鳳頭新
樣好。不用頻量鸚鵡。慣醞釀。兩雲朝暮。莫怪多情先醑
酌。爲擎來已到。消魂處。儘憐惜。憑斟取。麴生也被風
流悞。任當筵六么催遍。欲行還住。疑是墨花裙影動。博
得醉心如許。消受盡軟偎低注。合向酒泉封無忌。借醉
鄉。引入溫柔去。此中樂。休辜負。

賣花聲 鴛鴦梅

竹外暗香微紅白爭奇。傍他殘雪媚寒姿。愛殺並頭還
比翼。綴上高枝。心事早春知。好奇相思羅浮夢裏穩。
雙棲疎影莫教頻照水。多恐驚飛。

沁園春 美人臂

柔滑如脂。瑩然一灣。丰韻自饒。想光搖金釧。淺籠翠袖。
寒凝雪藕。映徹冰綃。攬鏡偷窺。摘花瞥見。暖玉生生別
樣嬌。燈兒下。正羅衫欲褪。逞盡妖嬈。捫來幾度魂消。
漸勾向溫柔。柔夢欲飄。愛守宮私護。猩紅未落。齒痕戲
嚙。霞暈纔銷。慣代遊仙笑。偎郎問。莫負香衾。去早朝。相思
苦。怕欠伸無力。瘦損瓊瑤。

淚痕在臂。幽輝半
床。真覺奇艷欲絕。

又 美人足

羅襪深藏。瘦小尖兒。婷婷欲仙。是鮫綃斜裹。一雙玉笋。
鳳鞋緊襯。兩瓣紅蓮。却立偏嬌。欲前還怯。蹙皺湘裙。一
縷烟闌干外。儘露濃。堦滑不損苔錢。有時戲罷鞦韆。
愛淺印香泥。小屐圓更遲。回月下。行如有待。輕盈掌上。
弱不勝憐。每到黃昏。香跌微褪。勾得消魂。向枕邊羅衾。
煖倩檀郎。搵着未怕春寒。

想見剗襪香堦妙境可
與劉龍川詞並艷千古

又 美人足

王曉仙歲寒詠物詞

芙蓉舫

愛殺猩紅淺破櫻桃。嫣然可人。記偷吹橫笛。微沾玉唾。
曉臨粧鏡。淡抹脂痕。掩袖增妍。含香更媚。襯起盈盈笑。
靨新看嬌小。有白家樊素。曲曲傳神。可憐皓齒朱唇。
送百種風流。一點春。更凝羞體態。清歌低度。殢人情意。
私語時聞。每到相思。最無聊處。指甲輕啣。吞吐頻憑消。
受縱丁香未接。已是銷魂。

寒燈繡閣私語脂
香直得一番消受

又美人目

姿態嫣然最勾人處。無如目成。記花間偷注。雙瞳乍剪。
燈前怯顧。一溜分明。凝若無心。避疑有意。似避還疑。百

媚生傳眉語。向窺簾掩扇。逗出芳情。愛伊偏自盈盈。
每盼斷相思。粉淚傾更徘徊。鏡裏新粧。斜眄。按抄枕畔。
餘倦難醒。喜見郎歸。怕看郎去。此際孜孜。不自勝風流。
甚只一泓止水。常傍秋清。

凝若無心。數語生動。
異常真覺。點睛欲活。

水龍吟 梨花

前身合是梅花。玉容慣共春消瘦。娉婷如許。恰當開處。
清明時候。褪盡胭脂。輕勻粉面。向人僂僂。愛深深院落。
溶溶月影。疑香雪。枝頭覆。最是玉闌干外。洗花粧。但
憑杯酒。一雙白燕。去來無影。亭亭依舊。拾翠人歸。偏宜

攀折映來紅袖只愁他小雨廉纖門掩着黃昏後

又 蛩

怪伊不識春光聲聲只把秋懷訴寒花小徑蒼苔空砌
長吟難住夜靜偏多夢闌更慘恁般叨絮正銀河清淺
涼蟾似水說不盡傷心處觸起閨中客裏擁孤衾一
番情緒濃秋錦樣催將去也問渠何苦千遍商量幾回
做弄都無憑據這淒淒切切徒教釀就滿天風雨

又 漁叢

離披翠結香莎携竿直上扁舟去醉來臥月晒來隨網
浪花深處新婦磯頭女兒浦口白蘋紅樹任瀟湘歸晚

都教濕透收不盡烟和雨歷盡風波幾許好忘機狎
他鷗鷺纔看水濺還經雪打草衣如故鱸美蓴香借渠
拋却閒愁無數向嚴灘笑殺羊裘多事釣名千古

又 荷包牡丹

香苞綻遍柔條開來朶朶都成串輕扶翠葉低含紅暈
恁般嬌艷憑借東風春歸時節為伊裁剪笑偏教托向
花王譜系也小倚闌干畔垂下流蘇細細皺脂痕試
尋微襴午窓繡倦晶簾捲處佳人驚見妬殺花姨巧將
新樣鬪來針線傍香堦折取枝頭雙結作同心綰

念奴嬌 白燕

王晚仙歲寒詠物詞

芙蓉筋

故人來也。記年年春社。簷前相見。此日尋巢。重到處。忽訝烏衣全換。褪盡紅襟。淡餘青尾。蝶粉分來。半李花叢裏。參差來去難辨。幾度日媚風柔。啣泥歸去。水晶簾都捲。撲向玉鈎。渾一色。繞屋循廊。都遍。裁就梨雲攪翻。柳絮愛殺。雙雙剪雪。衣娘子籠中。妬影偷喚。

工麗至此不怕
袁海叟妬殺耶

又新燕

年光幾許。正柳絲烟暖。杏花風大。重着烏衣。尋故主。惆悵舊巢。都壞。小徑啣紅。新波點綠。攪得春無賴。庭空晝永。香泥零落。簷外。因甚來去。忙忙怪。纔青雙尾。把閑

愁帶。不管粧樓人正懶。春病日來。曾害低撲。湘鈎斜穿。簾罅。做盡輕盈態。喃喃如憶。昭陽人去。千載。

又歸燕

春殘能幾。怪年光無賴。又催秋社。底事成巢。都棄了。撩亂漫天遍野。衣已飄零。雛還老大。絮起思鄉話。日歸何處。淒涼雨隙。風罅。料得輕駕雲軒。海天萬里。暫乞家山假。遇着新鴻。須寄語。問訊主人。王謝羈客。愁多。居停情重。兩雨渾難捨。明年春半。故人依舊來也。

又楊妃山茶

枝頭朶朶。愛梅花作伴。粉香紅膩。臘漸闌。珊春尚早。點

綴空庭佳致。淺暈長顰。脂痕欲笑。雪壓寒枝。媚恁般嬌。
艷風流。遙想肥婢。絕似浴罷。華清長生宮殿。正倦粧。
初倚幾度。隔簾鸚鵡。喚驚起。當年濃睡。羯鼓偷催。更吹
玉笛。宿卯醒來。未低頭。無語三郎。應是沉醉。

浣溪沙

石榴

記得枝頭火樣燃。纍纍已自傷。簷端胭脂勻。染綠苞妍。
裂破丹房。膚欲綻。劈來紅玉齒。先寒愛伊。多子怪伊
酸。

又口琴

忽訝清商觸指生。微簧吞吐傷朱櫻。依稀徽軫一聲聲。

明。月向關山千里白。草回沙磧幾番青。可憐嗚咽不分

又散子

燭影搖寒漏正遲。儘教拋擲與酣時。是盧是雉莫參差。
面面翻來紅綴錦。心心巧印綠爲衣。誰知透骨是相思。

又美人足

斜束鮫綃。傷繡床。纖纖恰稱小鞋幫。背將燈影試蘭湯。
春筍瘦來真似玉。夜荷舒處更餘香。怎教被底不思量。

賀新郎 不削翁

巧博兒童寵。怪區區一錢身價。幾同璧拱。封就九泥。憑片紙便作衣冠。面孔渾忘却。此中空洞道。是而翁能。倔強任幾番推倒。還三踊。輕薄態呈千種。筭來總被人牽弄。向當場僂僂舞遍。低環高聳。合得時宜。真讓汝只欠老成持重。笑桃梗妍皮。虛哄草際塵間。拋擲易掉頭。來一霎浮生夢。聊作戲腹堪捧。

似謔似莊
寫生神手

又泥美人

姿致嬌如許。竟依稀漢家香玉。帳中曾貯。時樣新粧。偏

楚楚。想像眼波眉嫵。招不得離魂倩女。携向個儂奩鏡。畔好任郎疼惜。憑郎覷。曾否到柔鄉去。黃金枉把相思鑄。傍燈前幾番低擁。盈盈欲語。銀椀金簪。佳話在憶。殺雨雲朝暮。笑底事畏他多露。珍重莫教沾濕了。怕紅顏依舊成黃土。空贏得斷腸處。

韻甚趣甚用多
露意尤為巧介

又蘭虎

抽盡絲千縷。一丢丢空軀紙薄。嫩黃新露。愛殺閨人心。製巧幻出於菟。無數看蠅樣。纍纍蹲踞。鈎爪鋸牙餘威。在傍菖蒲香裏。誇神武好綴上小兒女。阿誰同向釵

梁住。有。黍。大。蜘蛛。蟬。共。伊。相。聚。絕。技。漫。勞。誇。刻。玉。只。
倩。春。蠶。微。吐。休。更。問。眠。來。幾。許。髻。畔。從。教。耽。耽。視。笑。前。
身。已。被。空。桑。悞。聊。作。戲。過。重。五。

又水

凍。裂。梅。魂。未。看。瑩。然。流。漸。寒。凝。結。來。容。易。碧。盡。波。痕。吹。
不。皺。一。片。白。溶。溶。地。與。出。匣。鏡。兒。相。似。諭。鷺。盟。鷗。全。辜。
負。有。冷。光。倒。射。玻。璃。底。好。穩。護。蛟。龍。睡。鮫。綃。織。就。花。
紋。細。儘。粼。粼。輕。敲。慢。碾。難。教。驚。碎。十。二。瑤。臺。清。夢。遠。繞。
遍。水。晶。宮。裏。記。天。寶。當。年。遺。事。莫。漫。逞。他。鏤。琢。巧。隔。簾。
櫳。怕。殺。東。風。起。轉。眼。處。愁。成。水。

燭影搖紅 竹夫人

瑣。骨。珊。珊。個。中。一。片。空。明。甚。前。身。合。是。竹。郎。妻。慣。識。溫。
柔。性。汗。浥。羅。衫。欲。褪。正。是。處。日。長。人。困。芰。荷。香。繞。綃。帳。
涼。生。相。偎。夢。穩。換。兩。頭。從。教。顛。倒。都。厮。稱。醒。來。幾。度。
枕。邊。看。王。臂。紅。生。印。莫。道。風。流。無。分。奈。情。多。又。逢。秋。近。
怕。他。紈。扇。一。樣。相。拋。頓。成。離。恨。

又茉莉

潔。似。冰。瑩。何。年。嶺。表。來。奇。卉。叢。叢。雪。萼。綻。炎。天。彷彿。丁。
香。盡。露。鬢。風。鬟。旖。旎。對。奩。鏡。佳。人。曉。起。玉。纖。摘。處。數。顆。
珍。珠。尚。含。清。淚。折。燕。釵。纍。纍。縮。作。相。思。子。夜。來。簾。外。

王婉仙歲寒詠物詞

古

芙蓉舫

坐○追○涼○愛○殺○知○心○婢○越○着○月○光○如○水○更○簪○向○晚○粧○殘○髻○
合○歡○枕○畔○博○得○檀○郎○魂○消○心○醉○

讀未竟已令我消魂欲死

踏莎行 涼簾

繞○指○成○柔○凝○脂○比○滑○故○鄉○只○在○田○家○鎮○水○晶○枕○畔○嫩○涼○
生○芙○蓉○褥○上○輕○相○襯○道○是○温○存○終○饒○薄○倖○巧○將○玉○體○
留○紅○印○朝○來○多○恐○便○生○疎○西○風○一○夜○深○秋○近○

又 雪珠

孕○出○奇○寒○噴○餘○清○夜○紛○紛○碎○迸○鴛○鴦○瓦○玉○龍○鱗○甲○戰○西○
風○鮫○人○淚○向○瑤○天○灑○輕○墜○窓○前○亂○拋○簾○罅○蠻○娘○欲○弄○

難○成○把○綴○來○不○上○玉○釵○頭○枒○槎○梅○鐵○渾○如○畫○

沁園春 淚

枕○畔○燈○前○萬○縷○千○絲○柔○腸○暗○縈○忽○殘○粧○界○破○瀉○同○鉛○水○
玉○壺○貯○處○凝○若○紅○水○掩○袖○輕○彈○背○人○偷○搵○偏○到○啼○時○百○
媚○生○看○嬌○面○似○梨○花○春○晚○帶○雨○盈○盈○從○來○太○上○念○情○
問○何○事○銅○仙○亦○涕○零○更○蠟○炬○風○前○難○教○灰○盡○鮫○人○盤○裏○
無○數○珠○傾○人○豈○能○堪○物○猶○如○此○拭○斷○闌○干○線○未○曾○傷○心○
甚○指○九○疑○斑○竹○憶○殺○皇○英○

又 艸

極○目○芳○郊○閒○愁○暗○生○一○片○芊○芊○正○雕○輪○碾○遍○繡○茵○滿○地○

馬蹄踏處。碧影粘天。淺襯鞋弓。妬將袍色。慣與遊人。藉醉眠牽情處。有別離南浦。凝望如烟。咸陽原上年年。更新句。池塘夢裏傳。歎昭君塚畔。青回沙磧。胭脂塞外。白接祁連。悴比秋懷。長同春恨。吹盡東風。劇可憐。畱不住。是王孫歸路。此意凄然。

葛一龍林君復二詞皆以簡勝如初唐風格不露圭角此詞偏以繁勝如中晚詩發洩無遺矣

又蟹

愛殺江鄉。郭索乍來時。維暮秋。笑橫行。欲遍平沙淺水。危機悞觸。野蘄寒篝。霜落初肥。橙香正美。偏是無腸不耐。愁携歸處。似茶鑊欲沸。滿眼颼颼。任渠別種。蝥蟬。

總付與尊前。佐拍浮。縱乞醯。亦可噉。黃白滿。撤薑不食。蟻綠新。斲勞得團。臍別開。佳製好。趁西風。醉甕頭。持螯樂。且悠游。歲晚莫問監州。

又筇

長伴幽人。山巔水涯。寒玉一枝。有携錢買醉。芒鞋得侶。看雲乘興。蠟屐相隨。竹合稱孤。藤真太瘦。慣與山翁採。藥歸扶須住。好幅巾野服。趣取探奇。問誰九節能支。向玉女盆邊。倚徙時。更長房術在。從教地縮。葛洪仙去。終作龍飛。擲處橋成。步來月冷。好共君王聽舞。霓貪禪悅。又借伊一喝。當個門槌。

又簾

庭院深沉。傷着粧臺。蝦鬚暗垂。任篆烟裊盡。不妨香度。鶯聲聽徹。未許春知。花霧重重。波紋隱隱。罕地惟餘。裙影兒房。櫳下愛似疎。還密宛隔琉璃。畫堂日午。風微任亂撲。湘鈎燕子飛。為嫌他悶損玉纖。半捲愛他掩映。嬌面偷窺。珠箔疑寒。水晶漾彩。長與歌筵作妓衣。相通處。有燈光月色。表裏交輝。

晶光四射
異彩千重

又筆

翡翠床邊。招管城君子。與爾言。記能書柳氏心。歸於正。

直○古○弼○頭○擬○其○尖○墨○子○忘○形○楮○公○好○友○桐○葉○分○時○在○
硯○田○論○家○世○有○昌○黎○作○傳○歷○次○如○椽○怪○渠○鳳○翥○鸞○騫○
竟○鬼○泣○中○宵○星○斗○寒○更○擲○來○三○寸○耕○從○王○勃○探○來○五○色○
夢○自○江○淹○誰○道○中○書○頓○成○禿○首○遜○謝○無○勞○更○免○冠○今○日○
者○縱○毛○錐○安○用○吾○豈○其○然○

念奴嬌 綠牡丹

年○年○穀○雨○訝○洛○陽○異○種○天○然○奇○麗○苔○色○渾○招○花○影○妬○不○
辨○是○珠○是○綺○隴○上○鸚○哥○嶺○南○么○鳳○莫○入○花○叢○裏○怪○來○難○
覓○伴○他○穠○艷○深○睡○道○是○國○色○傾○城○美○人○粧○罷○雙○鬢○平○
分○媚○只○覺○濃○香○頻○撲○帽○尋○遍○枝○梢○葉○底○枉○費○春○工○幾○番○

王曉仙歲寒詠物詞

芙蓉舫

勻染欺盡黃和紫。太真翠袖。沉香亭北。慵倚。

又 茶蘼

亂紅飛處。見離披如葢。粉光欲研。嫩葉柔條。扶不定。低壓濃香。一架不是梨雲。非關梅雪。開遍殘春。夜舊家姊妹。薔薇差許。相亞。却怪軟刺叢生。惜花人過。偷把羅裙惹。素面盈盈。風韻別好。伴牡丹同嫁。鏤玉爲衣。裁冰作骨。蝴蝶低迷。乍芳樽須載。一年花事闌也。

又 橘

江鄉佳果。愛千頭作供。清甘如許。井畔洲邊。誰更種。家在莫釐峰住。秋老凝黃。霜前掛綠。顆顆紅珠。露當年袖。

裏陸郎曾記。懷取最是戀土。思鄉怕伊化。枳莫過淮。南去堆向玉盤。風味別不似香橙。酸楚病酒新嘗。吳姬親擘齒。頰幽芬處。問他仙叟。箇中碁局終否。

又 馬櫻花

柔條翠葆。看紛披如剪。垂垂芳樹。暮卷朝舒。曾有約好。傷小窓清暑。怯不禁風。嬌宐泣雨。陣陣濃香。度新秋近也。繁花忽剪。千縷絕似揉碎。紅絲帶他曉露。綴向枝頭去。是葉是花。渾不辨。只辨淡紅。攢處弱線空牽。同心欲縮。愛殺停針。女拈歸繡閣。幾回錯認。絨吐。

洞仙歌 掃晴娘

王婉仙歲寒詠物詞

芙蓉舫

連天酒色。燕俗以陰雨爲酒色。天出日下舊聞。任呼殘鳩婦萬縷千絲暗。
清晝倩閨人新製幻出嬌娥剛徑寸綽約翠裙紅袖。
簷前斜掛處做弄陰晴幾度風吹掃愁帚笑醞雨釀雲。
底事關卿這一種情懷依舊愛日上紗窓雀聲頻伴柳。
醉花醒幾番倏憇。

又黃石榴花

泛蒲剪艾佳節剛端午金粟枝枝綴芳樹絳衣人驀地。
換着黃衫重認取莫辨石家阿醋綠陰濃似蓋宮曆。
新堆不記朱顏更何處愛纖手折來簪向釵梁竟一色。
繭兒成虎看新樣輕盈道家粧好寄語紅裙漫勞相妬。

又芭蕉

欲抽還捲剥春心如許翠影平分小窓午看欹斜數葉。
遮住簷牙深院裏四座清涼無暑綠天籠一片衣袂。
生香惹動離人暮愁聚蕭颯向西風何處難堪滴不斷。
空堦疎雨聽隔着簾兒惱黃昏只做弄秋陰一聲聲苦。

鵲橋仙 鷓鴣

裳裁翠色距凝丹注飛破蠻烟瘴雨越王宮殿總如烟。
到今日淒涼剩汝空江一縷中原萬里來往行人無。
數杜鵑只是勸將歸還虧殺伊家留住。

又鷺

波紋搖漾羽衣鮮潔立盡兩汀烟浦
菱荷影裏水風來
颺頭上微黃一縷採蓮舟近
湔裙人到珍重莫教驚
去錦鱗撥刺浪花圓拳一足爲伊延佇

木蘭花慢 玉簪花

漸開殘抹麗秋尚早嫩涼生愛小砌空堦
臨風欲笑丰韻亭亭水柱天然瘦削更低頭無語可憐生誰與幽芳
作伴斷腸花影娉婷秋海棠一名斷腸花半簾明月浸秋清香
露自泠泠正瑤蓋玲瓏瓊枝綽約宿睡初醒插向佳人
綠鬢玉搔頭斜傍燕釵橫最是鏡奩開處粉囊猶帶餘
馨閨人或以花蓋貯粉

沁園春 梅魂

冰雪中間呼之欲出是耶非耶有離同倩女因風縹緲
幻爲仙子伴月橫斜在暗香中依疎影外消息真如萼
綠華傳神處儘丹青妙手枉自嗟呀任渠繞遍天涯
只常傍孤山處士家爲愛他冷淡相隨鶴夢厭他雜沓
不近蜂衙驛使難招巫陽未返空向春前賦楚些誰勾
引趣一聲長笛欲到窓紗

縹緲迷離呼之欲出相思一夜梅花發忽到窓前疑是君未知與此孰勝

又 黃茶蘼彷彿獨木橋體

花信將闌壓架香濃新粧乍黃訝綴餘金粟苞偏換綠

王晚仙歲寒詠物詞

序

芙蓉舫

舞。酣。玉。蝶。粉。亦。粘。黃。鶯。但。聞。歌。蜂。應。避。影。掩。映。枝。頭。一。
樣。黃。織。濃。甚。任。千。般。紅。紫。終。讓。宮。黃。開。時。恰。伴。姚。黃。
更。片。片。飄。來。點。額。黃。愛。春。葱。偷。摘。從。教。袖。翠。芳。樽。共。泛。
且。炙。鵝。黃。嫩。葉。離。披。柔。條。婀娜。移。上。闌。干。月。影。黃。扶。殘。
醉。向。子。規。聲。裏。立。盡。昏。黃。

又雁字

忽。見。數。行。橫。空。而。來。點。畫。自。分。算。和。烟。和。雨。寄。從。紫。塞。
似。斜。似。整。篆。入。青。旻。斜。帶。雙。飛。排。成。一。畫。知。是。衡。陽。第。
幾。羣。西。風。緊。儘。吹。將。斷。續。筆。陣。終。勻。誰。將。太。古。遺。文。
竟。織。就。迴。紋。向。錦。雲。看。羽。書。正。急。疑。探。二。酉。鴉。塗。欲。遍。

莫。洩。三。墳。霞。彩。成。箋。霜。天。曳。素。大。翮。揮。殘。白。練。裙。書。空。
處。任。寒。江。影。落。猶。是。留。痕。

又白櫻桃

四。月。開。園。摘。向。筠。籃。肌。膚。皎。然。似。樊。家。多。麗。點。來。素。粉。
鄭。家。妖。冶。褪。盡。紅。顏。異。種。西。山。傳。流。南。國。琢。得。瓊。瑤。萬。
顆。圓。纍。纍。好。任。雪。衣。娘子。未。許。偷。看。玉。盤。盛。出。晶。丸。
更。不。辨。光。瑩。是。兩。般。愛。春。纖。搯。去。都。成。一。色。朱。唇。含。處。
相。映。生。妍。素。體。凝。脂。清。香。沁。雪。不。羨。楊。妃。荔。子。丹。曾。知。
否。試。阻。他。風。味。領。取。微。酸。

又荔枝

有美一人色相天然產於炎荒愛舊羅封就紅柔脂滑
玉纖擘處骨細肌香五嶺蠻烟七閩瘴雨異種偏生十
入娘真奇絕見水晶丸子裹絳紗囊臨風幾度思量
柰隔斷茫茫海嶠長試呼他橘柚難稱近侍比之橄欖
或是同鄉酒病初醒詩脾乍渴摘取芳鮮試一嘗心欲
醉似太真啖後沁與三郎

虞美人 蝴蝶花

芳苞初綻柔莖裊又報春殘了美人曉起惜花時幾度
悞擊紈扇撲來遲前身合是莊周化夢繞枝頭乍開
殘雜向亂紅飛猶認雨粘香粉褪輕衣

賀新郎 睡鸚鵡

日影紗窓午怪簾前綠衣使者悄然無語斜斂繡翎春
困重空鎖銀條一縷鎖不定夢魂來去料得言多應小
極架兒邊栩栩迷歸路曾否記吟詩處虛亭岑寂誰
爲侶有朦朧梁間睡燕一般情緒倦繡佳人無聊甚悄
向花陰微步拋紅豆把他驚寤繞遍隴頭千萬里醒來
時依舊籠中住重提起思鄉苦

爲武仙郎說夢直
如此恍惚迷離

又 琵琶

銀甲休教卸聽淒涼四條絃裏情懷難寫多少尊前兒

王曉仙歲寒詠物詞

芙蓉舫

女怨一兩三聲悲詫問絕伎本師誰亞慢撚輕攏偏作
態鬱輪袍只有王維者總勾出春風罅千秋遺恨全
招惹君不見兩家後主江山都捨青塚月明環珮冷夢
斷明妃塞下更一曲玉堂今夜商婦孤舟淒絕處引江
州司馬如鉛瀉莫更絮傷心話

又虞美人花

日夕頻開謝愛天然娟娟楚楚墻根堦罅體態可憐嬌
更怯芳葢纍纍倒掛漸擎起紫媽紅姪姊妹只餘鴛粟
在趁春殘同向東風嫁是千載貞魂化依稀觸起當
年話淚漣漣浥他微露至今盈把愁絕奈何何處喚曾

記劍光凝射更隱隱悲歌垓下此日聞歌猶起舞顫翻
躑如憶烏騅馬還彷彿帳中夜

又風鳶作
美人形

二月江頭路愛盈盈借人搖漾便排空去翠袖紅裙新
樣好夢斷行雲何處遇月姊星姨休妬弱骨可憐嬌無
力步虛人怕殺濛濛雨剛欲跌翛然舉春愁漫向天
公訴聽長空幾番嗚咽箏琶低度千尺游絲收不盡只
倩東風扶住渾不管此身無主飛絮落花時節近笑輕
狂總爲兒童悞愁絕也逢春暮

蝶戀花 鐵馬

嬌脆琉璃剛徑寸。片片虛簷。弄盡悠揚韻。搖漾帳鈎聲。不定一番聽徹。渾難認。旅館黃昏。鄉夢近。薄醉醒來。幾度西風。槩月又朦朧。燈又燼。生生敲出離人恨。

眼兒眉 香茶

鳳餅龍團別樣嬌。百和舌尖饒。芳蘭隱隱沁來香。唾消受。今宵水晶枕畔偷睥眄。愛殺小櫻桃。依微私語口脂未接。已是魂消。

滿庭芳 炙硯

窓隙風尖。簾間雪逗。膽瓶凍裂梅魂。拈毫未就。寒鐵欲生塵。呵盡一溝寒玉。磨人也堆起水紋。星星處。借他獸

炭蒸動墨池雲。撥來渾未燼。鄒生律在。吹微微温。愛匣啓琉璃。瓊液無痕。彷彿東風乍解。迎新暖。薄霧氤氳。火耕好硯田。初熟催發筆花春。

又 斲鞋盃

燕玉同温。鳳尖比瘦。釀來芬馥天然。未斟量處。先自可人。憐風火劫中。踏遍土花碧。幻出紅蓮。凌波步輕移。低注月下。共花前。觥船含笑飲。消魂何許。只在纖纖儘。碧琉璃滑。莫剩餘寒。不是書生量窄。温存好。別有相關。還疑是笑。揉兩瓣。伴我醉時眠。

風調在梅 溪竹屋間

王晚仙歲寒詠物詞

芙蓉舫

又白鷓鴣

巧勝鶯簧。潔同鶴鬢。福衡賦擅無雙。何年使者。換却綠
羅裳。掛向水晶簾底。調慧舌。相都念。分明聽念來般。
若認取。雪衣孃。相當誰是伴。美人春困。雅淡梳粧。趁
梨花明月。仔細端詳。宜把白櫻桃。飼珍珠。顆紅嘴。啣將
還。留向茶蘼架底。嫁與武仙郎。

又視

滑比凝脂。潤同琢玉。端溪價重連城。琉璃匣底。曾結歲
寒盟。莫問灌嬰銅雀。當年恨。多半飄零。晴窓下。松煤斑
管。共伴楮先生。相看鸚鵡。眼絲紅蕉。白幾度磨人倩。

春纖斜捧。雲起層層。紫石潭。應無恙。梨花雨。點滴香清。
驚看處。探梅句。就呵盡。一池冰。

春光好 陀羅子

擎不定。任摩杪。舞婆娑。認取伊家名姓。是陀羅。勾引
兒童隊。隊戲來。巷陌偏多。隨着絲鞭。風樣轉。奈伊何。

河傳 淚

不斷如線。鮫珠千顆。落來成串。畫欄邊。鏡臺前。背却阿
娘。偷掩面。分明點滴。梨花雨。春無主。酒盡。渾難住。倩
香羅。搵來多。嬌波啼紅。將奈何。

念奴嬌 熏籠

王曉仙歲寒詠物詞

遍身芳馥記霜筠乍剪巧工曾製瑣骨玲瓏疎復密不
怕些兒寒意添却龍涎撥餘鴨嘴幾度黃昏裏有人頻
問試來簫局猶未何處占盡風流春寒料峭移向交
紅被最是銷魂時節近消受玉纖偎倚蘭燼將灰睡鞋
欲換纔着伊迴避從教冷落尚存荀令餘氣

形容得如此消受我願化為簫局何如

又紙帳

蕭然斗室愛纖塵不到琴書清潤一幅空明渾似穀慣
伴竹床藤枕不用冰綃非關蜀錦雅與高人稱熏餘簫
局半篝香氣猶凝消受獨夜情懷四圍瑩潔羽蠹休

相憎最是薄醒初醒處別有一番幽景仙夢偏通風絲
難透繞楊梅花冷簾前月上微微如弄疎影

又蠹魚

蝕來萬卷笑書淫難療誰曾似爾幾度殘編初展處倏
若游鱗驚餌慣伴螢囊巧搜蟲篆肺腑皆經史食而能
化貫穿真屬無比却怪按劍難求彌縫易匿窟穴來
中秘游徧羽陵偏有癖觸着芸香須避曹氏倉中鄴侯
架上底事愁乾死欲成脈望好教三食仙字

語有寄托感慨良多

又紅白裙鳥

新安江畔愛一雙嬌鳥。去來相並。石上波心。遊戲好。兩下亭亭。弄影白項鴉兒。紅襟燕子。妬殺新粧。靚羽衣。欲浣映來碧浪千頃。幾度竹箬篷邊。欲飛還住。飲啄渾無定。花鴨錦鴛爲伴侶。一樣和鳴。心性岸草搖青。斜陽幻紫。烟水空灘。暝前裙去也。夜深何處交頸。紅形如山鵲。自襟者雌俗呼爲紅裙兒。白裙兒好棲於波心石上。昔年遊新安于江中時時見之。

又戎裝美人燈

踏歌屏上更從頭換出。幾番奇麗。續得蘭膏。天不夜。一片甲光凝紫。出塞丰姿。從軍裝束。照耀華堂裏。紅裙錦繖。冠軍今屬娘子。爲愛清夜行遊。桃花馬上。妬殺離

魂女。最是射人光彩。好掩映芙蓉。秋水闌閣。英雄鬚眉。巾幗顛倒。都如此。傾城休笑。恐教蠟炬成淚。

南鄉子 硯水

風入小窓寒。愁殺梅花白玉盤。向曉琉璃初啓處。驚看。徑寸滄沱黑水乾。斑管任呵殘。滴盡玄珠幾度圓。借得博山餘暖在。依然躍起蛟龍。墨浪鮮。

沁園春 裙

孃孃婷婷。顧影生妍。拘束腰肢。看湘波深淺。半遮羅襪。墨花淡雅。恰稱輕衣。貼體新裁。稱心顏色。蘸破春烟。百欄宜輕搖漾。愛雙鴛蹙處。露一些兒。微微鸚動花枝。

更繡帶斜拖珮響遲。訝映來闌畔，迷踪欲皺。沉來簾底，
宰地長垂掌上。翩躚風前綽約，記得留仙把住時。香徑
裏，怕露濃苔滑，抓却茶蘼。

素艷幽香披讀再
過真欲魂斷色飛
又 百花釀酒

碧甕紅槽新滴珍珠。飄飄欲仙，有釀來如蜜。瓊漿初沁，
窖餘似醴。花露增妍，春色濃時醉鄉近。處香國移封向，
酒泉憑相勸。喜白蓮社裏，不用眉攢。麴車何事流涎，
笑紅紫都成種。秋田任梅花撲盡，太常未醒葡萄斟遍。
吏部方眠絕，似當初湖頭老姥，乞得方平藥。一丸休辭。

醉借幾番風信，吹動觥船。

鳳凰臺上憶吹簫

涼枕

瘦小身材空明心地，俱人只傷床頭好伴。他水篔簹一，
溫柔消受。鬢雲香膩，清無暑。茉莉成毬，銷魂處玲瓏細。
眼看足風流。仙遊幾番夢醒，愛紅印桃腮半晌，還留。
莫故將人惱耳墜，輕鈎多恐西風薄。倖思量也底事堪
愁。鴛鴦煖把渠情思拋擲，深秋。

又 蜂

鬚欲粘黃腰如束素。遊軍隊隊紛飛，恁狂名自負。苦怨
春遲，最是早朝初罷。衙作放鬧殺窻兒，生涯穩採香作。

國釀蜜成脾。芳菲年年開遍。正艷紫妖紅。千種爭奇。
問關伊何事。枉自痴迷。怵盡東風。二月催花。夢直到殘。
時真無賴。個中芳意。蝴蝶應知。

艷冶風流
香生字裏

賀新郎 梅影

愛殺清如許。任叅破。色空空。色廣平。難賦玉骨冰肌。何
處見。恰值月明三五。漸移上小窗。低戶寒雀欲爭。爭不
得。爲橫斜。只傷清虛府。娛夜永。留春住。孤高不入羣。
芳譜正依稀。編衣仙子。香魂來去。漫道江南逢驛使。欲
寄那堪折取。問紙帳。可能憑據。若有若無。誰是伴。倩孤

山鶴夢相偎。護疑淡墨輕描處。

采桑子 手鼓

葫蘆小樣。琉璃軟巧。出神工。呼吸丁東。隱隱晶光一片。
紅。較他玉楮。嬌還脆。脫手成空。笑殺兒童。重付茫茫。
劫火中。

又 簾內美人

玉鈎搖漾。湘波皺。銀蒜低垂。香篆依微。聽徹新鶯乍轉。
時。可憐。隔着春風影。欲寄相思。燕子歸遲。斷盡柔腸。
知不知。

又 鏡中美人

水晶簾下常相見。蹙盡雙蛾。歛盡秋波。畢竟姿容若個多。怪來半面偷窺處。嗔也隨他。喜也隨他。一樣消魂奈若何。

又月下美人

夜香已是燒殘了。搵着嬌腮。幾度徘徊。只恐嫦娥妬影來。清光直透羅衣冷。小玉頻催。露滴空階。莫使苔痕濕綉鞋。

又花下美人

惜春轉怕春歸早。悄試芳踪。淺步香叢。艷粉嬌姿一樣紅。相看半晌盈盈去。好倩簾櫳。護着東風。莫遣花枝

妬殺儂

又馬上美人

青驄蹀躞花枝驪。玉樣容姿。弓樣腰肢。絕似明妃遠嫁時。遊絲縈惹春如醉。翠柳長堤。顧影嬌嘶。妬殺風前燕子飛。

又舟中美人

木蘭載得仙姝去。不住鳴榔。驚起鴛鴦。隔着空明水一方。洛妃乘霧歸來也。掩映紗窓。斜露紅粧。腸斷堤邊遊冶郎。

又燈下美人

王曉仙歲寒詠物詞

相看最是殘粧好。小立良宵。燭影搖搖。映着芳容別樣嬌。昵郎故故偷睂眄。寒焰重挑。煞是魂消。此去溫柔路不遙。

又樓上美人

綠楊影外簾初捲。燕燕鶯鶯。笑語分明。彷彿天風度玉笙。隔牆却指闌干曲。驀見娉婷。翠袖初凭。不盡依依望遠情。

跋

此吾晚仙二兄歲寒詠物詞也。二兄負不羈之才，幼孤食貧，予兄弟同研席，時尚未弱冠，其才情意氣已卓犖，不羣稍長，好爲詩歌，儷體驚才絕艷，下筆有神而嗜詞尤甚，游歷閱二十年，一切臨水登山弔古言情之作，多半托之於詞，顧旋作旋棄，不甚愛惜，散佚居多。年來始加珍重，手錄成帙，尚存數千首，其綺麗香艷豪放沉雄直兼周秦辛蘇而成一家言，至其卷帙之多，又未知詞人中誰堪比數者。庚辰下第留滯都門，客窓歲暮作詠物詞自娛，未匝月已得二百餘闕，興方勃勃，未已適余

跋

芙蓉舫

從濟上來以他事凌雜遂懊恨輟筆比之催租人客冬
汪子紫滄入都讀之擊節曰此片片旃檀香也當與吾
輩共賞之那得私置篋中因相與評次而先梓其半二
兄胸襟拓落不可一世豈欲以詞名家顧久困公車意
亦少倦姑借長謠小令以發洩其抑鬱無聊之思詠物
一編又其遊戲及之者也壬午杏月下澣弟賚拜跋



